

Na osnovu člana 11. Zakona o udruženjima i fondacijama («Službene novine Federacije BiH», br. 45/02) Skupština Udruženja Šahovski klub «Čelik» Zenica na sjednici održanoj 12.03.2006. godine usvojila je

## **S T A T U T**

### **UDRUŽENJA GRAĐANA ŠAHOVSKI KLUB «ČELIK» ZENICA**

#### **I OSNOVNE ODREDBE**

##### Član 1.

Udruženje građana Šahovski klub „Čelik“ Zenica (u daljem tekstu Klub) je sportska organizacija građana udruženih radi ostvarivanja zajedničkih ciljeva, zadataka i interesa i organizovanog djelovanja na razvijanju i unapređenju šaha i šahovske djelatnosti.

##### Član 2.

Naziv kluba glasi: **UDRUŽENJE GRAĐANA ŠAHOVSKI KLUB «ČELIK» ZENICA**. Sjedište Kluba je u Zenici, ulica Školska 15 skraćeni naziv glasi: **UG ŠK «ČELIK» ZENICA**.

##### Član 3.

Klub djeluje na području Općine Zenica.

##### Član 4.

Rad kluba je javan i podliježe kontroli.

##### Član 5.

Klub ima svojstvo pravnog lica. Klub predstavljaju i zastupaju predsjednik Skupštine i predsjednik Upravnog odbora.

##### Član 6.

Klub ima svoj znak, pečat i štambilj. Pečat Kluba je okrugao prečnika 3 cm, sa natpisom Šahovski klub „Čelik“ Zenica i ucrtanom šahovskom figurom (konj) u sredini pečata.

#### **II CILJEVI KLUBA**

##### Član 7.

Ciljevi kluba su da svojim djelovanjem doprinosi:

- ostvarivanje utvrđene politike razvoja fizičke kulture;
- omasovljenje i unapređenje u šahu i šahovske djelatnosti;
- razvoj stvaralačke sposobnosti i svestrane ličnosti u aktivnostima baljenja šahom;
- edukacija članstva, promocija šaha kao sporta, stvaranje masovne baze i cilju razvijanja šahovskog sporta;
- okupljanje omladine u cilju podizanja zdravstveno-fizičke kulture;
- postizanje vrhunskih rezultata i dostignuće u šahu;
- razvoju i unapređenju saradnje sa drugim šahovskim organizatorima;
- organizira šahovska takmičenja, kurseve i seminare;
- prikuplja sredstva od donatora i sponzora (promocijom principa partnerstva) za realizaciju programskih ciljeva kroz kvalitetne projekte;
- obezbjeđenje uslova za razvoj i unapređenje šahovskog sporta, posebno za razvoj vrhunskih sportista.

### III ČLANSTVO U KLUBU

#### Član 8.

Članstvo u Klubu je dobrovoljno i slobodno.

Članom Kluba postaje građanin koji je učlanjen u Klub.

Članovi Kluba mogu biti redovni i počasni.

Redovni članovi Kluba su članovi koji se aktivno bave šahom i učestvuju na zvaničnim takmičenjima, kao i ljubitelji šahovske igre i simpatizeri Kluba. Počasnim članovima mogu biti proglašeni oni koji imaju izuzetan doprinos i zaslugu za razvoj Kluba i šaha uopšte.

Odluka o počasnim članovima donosi Upravni odbor.

#### Član 9.

Članovi kluba plaćaju članarinu, a visina članarine i način plaćanja utvrđuje se Odlukom Skupštine Kluba.

#### Član 10.

Prava člana:

- da učestvuju u radu i odlučuju u organima Kluba u skladu sa ovim Statutom i ostalim općim aktima Kluba;
- da bira i bude biran za predstavnike i članove u sve organe Kluba;
- da učestvuje na takmičenjima koja organizuje klub prema utvrđenim propozicijama;

#### Član 11.

Dužnosti člana Kluba su:

- da pridonosi ostvarivanju općih ciljeva i zadataka Kluba;
- da učestvuje na takmičenjima i akcijama Kluba;
- da se pridržava Statuta, drugih općih akata, odluka i zaključaka Kluba;
- da prenosi šahovsko znanje i iskustvo na druge članove, te da doprinosi masovnosti i kvalitetu šaha;
- da vodi računa o ugledu i dostojanstvu člana Kluba;
- da čuva imovinu Kluba koja je dana na upotrebu, korištenje i čuvanje.

## Član 12.

Članstvo u Klubu prestaje:

- prestankom članstva u Klubu;
- neučlanjenjem u Klub;
- brisanjem ili isključenjem.

## **IV ORGANIZACIJA I ORGANI KLUBA**

### Član 13.

U Klubu postoje sljedeće sekcije:

1. Pionirska,
2. Omladinska,
3. Seniorska ekipa,
4. Sekcija za problemski i dopisni šah,
5. Sekcija za rekreativni šah,
6. Sudijska sekcija

### Član 14.

Organi kluba su:

- Skupština Kluba;
- Upravni odbor Kluba;
- Nadzorni odbor Kluba.

## **1. SKUPŠTINA KLUBA**

### Član 15.

Skupština Kluba je najviši organ Udruženja građana Šahovski klub „Čelik“ Zenica.

### Član 16.

Skupština Kluba ima 17 delegata. Mandat delegata traje 4 godine.

### Član 17.

Delegatsku osnovu za izbor delegata u Skupštinu Kluba predstavljaju sekcije.

Broj, sastav i imena delegata koji predlažu sekcije u Skupštinu Kluba utvrđuje Upravni odbor Kluba, na prijedlog Kadrovske komisije.

### Član 18.

Sjednicom Skupštine predsjedava Predsjednik Skupštine. Skupština se sastaje po potrebi, a najmanje 15 dana prije dana održavanja, a saziva je Predsjednik Skupštine.

## Član 19.

Skupština punovažno odlučuje ako je sjednici prisutno više od polovine delegata. Skupština donosi odluku većinom glasova prisutnih delegata.

Skupština Kluba se može održati na zahtjev Upravnog odbora, Nadzornog odbora ili jedne trećine delegata Skupštine. Skupština saziva Upravni odbor Kluba.

## Član 20.

Skupština neposredno razmatra i odlučuje o sljedećim pitanjima:

- Utvrđuje politiku i smjernice za rad i razvoj Kluba;
- Donosi Statut i druga opća akta Kluba;
- Donosi jednogodišnje i višegodišnje planove i programe rada i razvoja Kluba i utvrđuje mjere za njihovo sprovođenje;
- Razmatra izvještaje o radu Kluba i izvještaje o radu Upravnog odbora i Nadzornog odbora;
- Bira Upravni i Nadzorni odbor Kluba;
- Bira Predsjednika Skupštine, Predsjednika Upravnog odbora i Sekretara Kluba;
- Donosi Odluku o raspisivanju izbora za Skupštinu Kluba i Odluku o kriterijumima i strukturi delegata Skupštine Kluba;
- Vršiti verifikaciju mandata izabranih delegata Skupštine i članova Nadzornog odbora;
- Donosi Odluku o osnivanju subjekata za privrednu i drugu djelatnost;
- Donosi Odluku o statusnim pitanjima Kluba;
- Odlučuje o žalbama i prigovorima članova Kluba na odluke Upravnog odbora koji je ovaj organ rješavao u prvom stepenu;
- Odlučuje o dodjeljivanju nagrada, pohvala i priznanja zaslužnim članovima i saradnicima Kluba;
- Bira delegate u organe upravljanja drugih organizacija i zajednica čiji je Klub član (između dvije sjednice Skupštine, a prema potrebi, o tome može odlučiti Upravni odbor);
- Vršiti i druge poslove i zadatke u skladu sa ovim Statutom i interesima Kluba.

## **2. UPRAVNI ODBOR**

### Član 21.

Upravni odbor je izvršni organ Skupštine Kluba. Upravni odbor bira Skupštinu iz redova članova Kluba. Mandat članova Upravnog odbora je 4 godine. Upravni odbor broji 9 članova. Sjednicom Upravnog odbora predsjedava Predsjednik Upravnog odbora Kluba.

### Član 22.

Upravni odbor radi u sjednicama koje saziva prema potrebi Predsjednik ili članovi Upravnog odbora. Upravni odbor odlučuje punovažno ako je sjednici prisutno više od polovine članova, a odluke donosi većinom glasova prisutnih članova.

Sjednicama obavezno prisustvuje Predsjednik Skupštine Kluba, bez prava glasa.

## Član 23.

### Upravni odbor Kluba:

- Rukovodi radom i poslovanjem Kluba;
- Utvrđuje prijedlog statuta i drugih općih akata Kluba i preduzeća (agencije);
- Priprema prijedloge godišnjih i dugoročnih planova i programa rada Kluba i njegovog preduzeća, odnosno agencije;
- Priprema sjednice Skupštine Kluba;
- Stara se o zakonitosti rada Kluba, pravilnoj i dosljednoj primjeni statuta i drugih općih akata, planova i programa rada i razvoja, odluka i zaključaka i smjernica Skupštine Kluba;
- Daje smjernice za rad radnih tijela (komisija) koje formira i razmatra izvještaje u njihovom radu;
- Razmatra Plan i izvještaj poslovanja preduzeće, odnosno agencije za marketing;
- Stara se o otklanjanju nedostataka, propusta i nepravilnosti u radu na koje ukaže Nadzorni odbor Kluba;
- Bira predsjednika i članove radnih tijela i komisija koje formira;
- Imenuje potpisnike Kluba kod banke;
- Utvrđuje godišnji finansijski plan i završni račun Kluba;
- Donosi operativne planove i programe rada Kluba;
- Stara se o obezbjeđenju finansijskih sredstava i drugih uslova za uspješan rad Kluba;
- Stara se o sprovođenju odluka odgovarajućih organizacija i saveza koje se odnose na šah, a neposredno su vezani za djelatnost Kluba;
- Donosi odluku o dodjeli stipendije i drugih materijalnih stimulacija članovima prve ekipe Kluba;
- Odlučuje o organizaciji šahovskih turnira (domaćih i međunarodnih), takmičenja, priredbi i drugih manifestacija;
- Donosi odluke o zasnivanju radnog odnosa sa članovima Kluba ili drugim licima i određuje visinu plate;
- Odlučuje o potrebi povremenog i privremenog angažovanja određenih lica-članova Kluba ili spoljnih saradnika na određenim poslovima i zadacima iz djelatnosti Kluba i odlučuje o visini naknade, odnosno nagrade za taj rad;
- Odlučuje o upućivanju i učešću ekipe i članova Kluba na takmičenjima u zemlji i inostranstvu i načinu visini priznanja troškova ( u skladu sa materijalnim mogućnostima Kluba i zakonskim određenjima) i određuje voštvo puta;
- Odlučuje o prihvatanju o zaključivanju ugovora i sporazuma od interesa za Klub i o tome obavještava Skupštinu Kluba na prvoj narednoj sjednici;
- Predlaže Skupštini na usvajanje Statut i druge opće akte, te program rada preduzeća, odnosno agencije za marketing;
- U skladu sa zakonskim određenjima odlučuje o priznanju naknade za neostvarenu plaću igračima i funkcionerima za učešće na takmilenjima koje ih je Klub uputio;
- U skladu sa zakonskim određenjima donosi odluku o visini dnevnice i putnih troškova na koje imaju pravo igrači, funkcioneri i druga lica koja Klub upućuje na takmičenje, odnosno da obave određene službene zadatke za potrebe Kluba van mjesta prebivališta;
- Odlučuje o kupovini i rashodavanju imovine Kluba

- Razmatra problematiku prve ekipe i stručnog uzdizanja kadrova i donosi odgovarajuće odluke u cilju unapređenja kvaliteta;
- Odlučuje o održavanju, nabavci i godišnjem popisu inventara i imovine Kluba;
- Odlučuje o kupovini stručne literature i pretplati na stručne časopise (u zemlji i inostranstvu) i dnevnu štampu, kao i izdavanju biltena i knjiga od strane Kluba;
- Odlučuje o osnivanju sekcija koje djeluju u sastavu Kluba;
- Postavlja stručne trenere, te imenuje kapitena prve i ostalih ekipa Kluba;
- Donosi odluke o prijemu zaposlenika u radni odnos sa Klubom i utvrđuje popis poslova i radnih zadataka zaposlenika i visinu plaće;
- Imenuje direktora oredujuće, odnosno agencije za marketing Kluba, u skladu sa Statutom i zakonom;
- Donosi Kućni red i cjenovnik ugositeljskih usluga u prostorijama Kluba;
- Donosi pravilnik o vrednovanju rezultata članova Kluba i nagrađivanju i stimulaciji;
- Vršiti i druge poslove i zadatke u skladu sa Statutom, drugim općim aktima, odlukama i zaključcima Skupštine Kluba.

### **Predsjednik Upravnog odbora Kluba**

#### Član 24.

Skupština Kluba bira i razrješava Predsjednika Upravnog odbora Kluba. Predsjednik Upravnog odbora bira se između članova Upravnog odbora na mandat od četiri godine. Svi ostali članovi Upravnog odbora su u funkciji dopredsjednika.

#### Član 25.

U okviru svojih ovlaštenja Predsjednik:

- Saziva sjednice Upravnog odbora Kluba i rukovodi njegovim radom;
- Usklađuje rad organa Kluba;
- U saradnji sa sekretarom neposredno ostvaruje kontakte i saradnju sa drugim organima i organizacijama i institucijama, pravnim i fizičkim licima radi obezbjeđenja ostvarivanja interesa i potreba Kluba i članova;
- Potpisuje akta koja donosi Upravni odbor Kluba;
- Organizira pripreme i učestvuje u pripremanju materijala za sjednice, stara se o sprovođenju načela javnosti rada Kluba i ostvarivanju prava članova Kluba, informisanju i primjeni ovog Statuta;
- Obezbjeđenje realizacije odluka zaključka organa Kluba;
- Naredbodavac je po finansijskom planu;
- Vršiti i druge poslove utvrđene ovim Statutom i drugim općim aktima Kluba.

### **Sekretar Kluba**

#### Član 26.

Iz reda svojih članova Skupština bira sekretara Kluba u trajanju 4 godine, s tim da na tu funkciju isto lice može biti birano najviše dva puta uzastopno.

Sekretar nije član Upravnog odbora, ali je obavezan da prisustvuje sjednicama Upravnog odbora i da učestvuje u njegovom radu.

## Član 27.

U obavljanju funkcije sekretar:

- Stara se o realizaciji politike i ostvarivanju Programa rada Kluba;
- Organizira obradu materijala za potrebe organa i pruža stručnu pomoć organima i oblicima djelovanja;
- Učestvuje u pripremanju sjednica i obradi odgovarajućih materijala i neposredno rad na realizaciji odluka i zaključaka organa Kluba, potpisuje finansijska dokumenta i poslovnu prepisku;
- Zajedno sa predsjednikom ostvaruje saradnju sa drugim organima i organizacijama;
- Koordinira rad radnih tijela;
- Ostvaruje kontakte i poslovnu saradnju u ime Kluba;
- Odgovoran je za zakonitost rada Kluba;
- Prati rad društvenog preduzeća, odnosno agencije za marketing Kluba i brine o njihovom pravilnom radu i ostvarivanju interesa Kluba, te daje Upravnom odboru prijedloge, sugestije i mišljenja u vezi sa poslovanjem;
- Vršiti i druge poslove i zadatke koje mu odredi Upravni odbor Kluba.

## 3. NADZORNI ODBOR

### Član 28.

Članovi Kluba neposredno i preko Nadzornog odbora vrše kontrolu nad radom i poslovanjem Kluba.

Odbor broji 3 člana i bira ih Skupština Kluba na period od 4 godine.

Članovi Upravnog odbora ne mogu biti članovi Nadzornog odbora. Nadzorni odbor bira svog predsjednika na konstituirajućoj sjednici. Nadzorni odbor sastaje se prema potrebi, a najmanje jednom godišnje. Nadzorni odbor je samostalan u svom radu i za svoj rad odgovara Skupštini.

### Član 29.

U okviru svojih nadležnosti Nadzorni odbor:

- Razmatra i kontrolira primjenu finansijskih akata i dokumentacije;
- Vršiti pregled finansijskog poslovanja Kluba i ocjenjuje ispravnost i racionalnost korištenja sredstava i druge imovine Kluba;
- Vršiti i druge poslove neophodne za ostvarivanje finansijske i druge kontrole.

O uočenim pojavama i svojim nalazima i stavovima obavještava organe Kluba i predlaže preduzimanje odgovarajućih mjera.

Nadzorni odbor je dužan da izvrši kontrolu finansijskog poslovanja na zahtjev organa Kluba ili člana organa, i da o tome obavijesti Skupštinu i podnosioca zahtjeva za vršenje kontrole.

## **Radna tijela (komisije)**

### **Član 30.**

Skupština Kluba i Upravni odbor mogu imati sekcije, komisije, savjete, radne i stručne organe, kao i druga radna tijela za izvršavanje određenih poslova i zadataka, što utvrđuje posebnom odlukom

## **V OSNIVANJE SUBJEKATA ZA PRIVREDNU I DRUGU DJELATNOST**

### **Član 31.**

Radi ostvarivanja svojih statuarnih ciljeva i djelatnosti Klub može osnovati subjekt za privrednu i drugu djelatnost pod uvjetima utvrđenim zakonom i ovim Statutom. Klub može obavljati neposredne privredne djelatnosti (privredne djelatnosti koje nisu neposredno povezane s ostvarivanjem osnovnih statuarnih ciljeva Kluba) samo preko posebno osnovanog pravnog lica.

Dobit koju Klub ostvari iz neposrednih privrednih djelatnosti Kluba nije dopušteno direktno ili indirektno: osnivačima, članovima Udruženja, članovima upravljačkih tijela, odgovornim licima, djelatnicima ili donatorima.

Ograničenja iz stava 4. ovog člana ne odnosi se na naknade za rad ili nadoknade troškova tim licima u vezi sa ostvarivanjem zakonitih ciljeva i aktivnosti utvrđenih ovim Statutom.

## **VI IMOVINA KLUBA**

### **Član 32.**

Imovinu Kluba čine:

1. Članarine;
2. Dobrovoljni priloz;
3. Sredstva dodijeljena iz budžeta;
4. Prihodi od kamata, dividendi, dobit od kapitala, zakupnina, honorara i sličnih izvora pasivnih prihoda;
5. Prihodi stečeni obavljanjem privredne djelatnosti;
6. Drugi prihodi stečeni obavljanjem privredne djelatnosti;

### **Član 33.**

Organi Kluba su dužni upravljati imovinom Kluba s pažnjom dobrog domaćina.

Ako Klub obavlja privrednu djelatnost, u skladu s odredbama Zakona o udruženjima i fondacijama, članovi Upravnog odbora dužni su upravljati imovinom koja se koristi za obavljanje te djelatnosti s pažnjom dobrog privrednika.

Član organa Kluba ne može glasati o imovinskim pitanjima u kojima se on, njegov bračni drug ili njegov srodnik do trećeg stepena pojavljuje kao zainteresovano lice



Članovi organa Kluba su dužni osigurati da se svi pravni poslovi Kluba zaključuju po tržišnoj vrijednosti, ili po uvjetima koji su povoljniji za Klub.

Član 34.

Prestankom rada Kluba imovina Kluba postaje vlasništvo Općine Zenica.

## **VII JAVNOST RADA I INFORMISANJE**

Član 35.

Rad svih organa je javan.

Javnost rada Kluba obezbjeđuje se na, sjednicama organa, dostavljanjem materijala i informisanjem u sredstvima javnog informisanja i glasilima Kluba.

## **VIII PRELAZNE I ZAVRŠNE ODREDBE**

Član 36.

Tumačenje ovog Statuta daje Upravni odbor.

Član 37.

Opća akta Kluba donijeće se ili uskladiti sa ovim Statutom u roku od šest mjeseci.

Član 38.

Stupanjem na snagu ovog Statuta prestaje da važi Statut Udruženja građana Šahovski klub «Čelik» Zenica br. 1/01, od 13.05.2001. godine.

Član 39.

Ovaj Statut stupa na snagu danom donošenja.

Broj: 02/06

Zenica, 12.03.2006. godine